



## BASES QUE REXERÁN O PROCEDEMENTO DE SELECCIÓN DE PERSOAL LABORAL TEMPORAL ( UN BIÓLOGO ) QUE SE CONTRATE NO CONCELLO DE TRABADA AO ABEIRO DO “PROGRAMA FOMENTO DO EMPREGO 2020 PLAN PROVINCIAL UNICO ”.

### 1.-OBXECTO

**1.1. Obxecto:** Constitúe o obxecto das presentes bases e a correspondente convocatoria a regulación do procedemento de selección mediante o sistema de oposición de **UN BIÓLOGO para ser contratado como persoal laboral temporal ao abeiro do Programa Fomento do emprego 2020 do Plan Provincial Único 2020.**

Esta colaboración se materializa a través da achega económica por parte da Deputación Provincial de Lugo do 100% dos custes salariais e da Seguridade Social dos traballadores contratados.

Visto que a Lei 6/2018, de 3 de xullo, de Orzamentos Xerais do Estado para o ano 2018 ( prorrogado para o ano 2019 e para o ano 2020 ), dispón no seu artigo 19.10.dous que durante o ano 2018 non se procederá á contratación de persoal temporal, nin ao nomeamento de persoal estatutario temporal ou de funcionarios interinos salvo en casos excepcionais e para cubrir necesidades urxentes e inaprazables.

A fin de que os veciños e visitantes poidan efectuar un bo uso do medioambiente a través da mellora de xestión e reciclaxe de residuos, así como de cumprir coas obrigas establecidas no Pacto dos Alcaldes polo Clima, ao que o Concello de Trabada está adherido.

Resulta imprescindible reforzar o servizo de medioambiente para acadar os obxectivos establecidos e paliar as ameazas do cambio climático a través da xestión dos residuos transitando hacia un modelo circular (reducir, recuperar, reutilizar e reciclar).

O contrato de traballo concertarase cunha duración determinada de **6 meses, rematando en todo caso o 30 de setembro de 2021** e a xornada completa.

**1.2. Normas de aplicación:** As probas selectivas regularanse polo previsto nas presentes bases e no non previsto nelas, polo establecido na Lei 7/2007, de 12 de abril, do Estatuto Básico do Empregado Público, na Lei 30/84, de 2 de agosto, de Medidas para a Reforma da Función Pública, na Lei 7/1985, de 2 de abril, reguladora das bases de réxime local, no Texto Refundido das disposicións legais vixentes en materia de réxime local, aprobado por Real Decreto Legislativo 781/1986, de 13 de xuño; na Lei 5/1997, de 22 de xullo, da Administración Local de Galicia, na Lei 2/2015, de 29 de abril, de emprego público de Galicia; na Lei 2/2007, do 28 de marzo, do traballo en igualdade das mulleres de Galicia; no Real Decreto 896/1991, de 7 de xuño, polo que se establecen as regras básicas e os programas mínimos a que debe axustarse o procedemento de selección dos funcionarios da Administración Local; con carácter supletorio tamén se aplicará o Decreto 95/91, de 20 de marzo, polo que se aproba o Regulamento de selección do persoal da Administración da Comunidade Autónoma de Galicia no que non se opoña á Lei 2/2015, de emprego público de Galicia; Real Decreto 364/1995, de 10 de marzo, polo que se aproba o Regulamento Xeral de ingreso do persoal ó servizo da Administración do Estado e demais disposicións aplicables.

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZTS4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 1 a 13



**1.3. O sistema de selección** dos aspirantes será o de oposición

**1.4.** A presente convocatoria e as bases, publicaranse no taboleiro de anuncios do Concello de Trabada así como na páxina web da Excmá Deputación Provincial de Lugo e na sede electrónica do Concello de Trabada ( <https://trabada.sedelectronica.gal> )

## **2. TIPO E DURACIÓN DO CONTRATO**

2.1 O contrato laboral que se formalizará coas persoas seleccionadas será de duración determinada na modalidade de obra ou servizo determinado previsto no artigo 15.1 a) do Real Decreto Lexislativo 2/201, polo que se aproba o Texto Refundido do Estatuto dos Traballadores (TRET) e no artigo 2 do Real Decreto 2720/1998, de 18 de decembro.

## **3.-FUNCÍONS**

O obxecto do contrato laboral temporal que se celebren a resultas do proceso de selección estará integrado polas funcións propias dun posto de técnico-biólogo realizando traballos urxentes e inaprazables a desenvolver en relación co funcionamento dos servizos técnicos do Concello, tales como tarefas de apoio á Secretaría na tramitación completa de expedientes de subvencións ou axudas públicas das que poida resultar beneficiario o Concello e que estén relacionadas co medio ambiente, co reciclaxe, co cambio climático, coa redución de consumos eléctricos..., realización de programas que teñan como finalidade que os veciños e visitantes poidan efectuar un bo uso do medioambiente a través da mellora de xestión e reciclaxe de residuos, así como de cumprir coas obrigas establecidas no Pacto dos Alcaldes polo Clima, ao que o Concello de Trabada está adherido.

## **4.- REQUISITOS DOS ASPIRANTES.**

Para participar no proceso selectivo, os aspirantes deberán reunir os requisitos que a continuación se indican segundo o establecido no artigo 56 do EBEP, referidos todos e cada un deles á data de remate do prazo de presentación de solicitudes:

Para participar no proceso selectivo, os aspirantes deberán reunir os requisitos que a continuación se indican segundo o establecido no artigo 56 do EBEP, referidos todos e cada un deles á data de remate do prazo de presentación de solicitudes:

a) Nacionalidade:

a.1) Ter a nacionalidade española.

a.2) Ser nacional dalgún dos estados membros da Unión Europea ou nacional dalgún Estado en que, en virtude dos tratados internacionais realizados pola Unión Europea e ratificados por España, sexa de aplicación a libre circulación de traballadores.

a.3) Tamén poderán participar, calquera que sexa a súa nacionalidade, o cónxuxe dos españois e dos nacionais doutros Estados membros da Unión Europea, e dos nacionais

---

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QZ7S4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 2 a 13



dalgún Estado ao cal, en virtude dos tratados internacionais celebrados pola Unión Europea e ratificados por España, sexa de aplicación a libre circulación de traballadores, sempre que non estivesen separados de dereito. Así mesmo, coas mesmas condicións poderán participar os seus descendentes e os do seu cónxuxe sempre que non estean separados de dereito, sexan menores de 21 anos ou maiores de dita idade dependentes.

b) Capacidade funcional: non padecer enfermidade nin estar afectado por limitación física ou psíquica incompatible co desempeño das correspondentes funcións.

A condición de discapacitado e a súa compatibilidade acreditarase coa oportuna certificación.

c) Idade: ter cumpridos 16 anos e non exceder, no seu caso, da idade máxima de xubilación forzosa.

d) Habilitación: non ter sido separado/a mediante expediente disciplinario do servizo de calquera das Administracións Públicas, ou dos órganos constitucionais ou estatutarios das Comunidades Autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso a corpos ou escalas de persoal funcionario, ou para exercer funcións similares ás que desempeñaban no caso de persoal laboral, no que fora separado ou inhabilitado. No caso de ser nacional doutro Estado, non encontrarse inhabilitado ou en situación equivalente nin ter sido sometido a sanción disciplinaria ou equivalente que impida, no seu Estado, nos mesmos termos, o acceso ao emprego público.

e) Titulación: Estar en posesión da titulación de Licenciado/a o Grado/ en Bioloxía ou Licenciado/a Grado en Ciencias Ambientais expedido con arreglo á lexislación vixente.

f) Acreditación do coñecemento da lingua galega: Fotocopia cotexada do Celga IV, título de iniciación ou titulación equivalente, ou certificado orixinal expedido polos Centros educativos correspondentes.

g) Estar inscrito na Oficina de Emprego en situación de desemprego ou de mellora de emprego que deberá acreditarse con certificación da Oficina de Emprego e/ou cun informe de vida laboral actualizado, expedido pola Tesourería Xeral da Seguridade Social.

## 5. SOLICITUDES.

5.1. A solicitude para tomar parte nas correspondentes probas selectivas axustarase ó modelo que figura como Anexo II ás presentes Bases, que se facilitará no Rexistro Xeral do Concello e dirixirase á Sra. Alcadesa do Concello de Trabada, no prazo de cinco ( 5 ) días hábiles contados dende a publicación do anuncio de convocatoria na sede electrónica do Concello ( <https://trabada.sedelectronica.gal> ) e no taboleiro de anuncios do Concello sito na Casa Consistorial.

Xunto coas instancias solicitando participar no proceso, deberá presentarse a seguinte documentación, orixinal ou copia compulsada:

- Documento nacional de identidade, pasaporte ou tarxeta de residente.
- Certificación, de ser o caso, acreditativa do grao de discapacidade.

---

### Concello de Trabada

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZ7S4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 3 a 13



c) Declaración responsable, asinado pola ou pola aspirante, de non estar afectada/o por ningún dos motivos de incompatibilidade recollidos na lexislación vixente sobre incompatibilidades do persoal ao servizo das administracións públicas e de non ter sido separado /a do servizo de calquera das administracións públicas ou dos órganos constitucionais ou estatutarios das comunidades autónomas por expediente disciplinario ou resolución xudicial firme nin encontrarse en inhabilitación absoluto ou especial para empregos ou cargos públicos por resolución xudicial, ou para exercer funcións similares ás que se desempeñaba no caso do persoal laboral, segundo o modelo que se insire nestas bases como Anexo II.

No caso de ser nacional doutro Estado, declaración responsable, asinada polo ou polo aspirante, de non estar afectado/a por ningún dos motivos de incompatibilidades recollidos na lexislación vixente sobre incompatibilidades do persoal ao servizo das administracións públicas e de non estar inhabilitado ou en situación equivalente que impida, no seu Estado, nos mesmos termos, o acceso ao emprego público.

d) Fotocopia cotexada do Celga IV, título de iniciación ou titulación equivalente, ou certificado orixinal expedido polos Centros educativos correspondentes.

e) Copia compulsada do título de Licenciado/a o Grado/ en Bioloxía ou Licenciado/a Grado en Ciencias Ambientais, ou certificado que corresponda.

f) Fotocopia da Tarxeta de demandante de emprego ou, para os casos de mellora de emprego, informe de vida laboral.

Poderanse, así mesmo, remitir na forma determinada no artigo 16.4 da Lei 39/2015, de 1 de outubro, de Procedemento Administrativo Común das Administracións Públicas.

## **6.-ADMISIÓN DE ASPIRANTES.**

Rematado o prazo de presentación de solicitudes, a Alcaldía ditará resolución, no prazo máximo de 3 días hábiles, declarando aprobada a lista provisoria de admitidos/as e excluídos/as. Esta resolución publicarase na sede electrónica do Concello ( <https://trabada.sedelectronica.gal> ) e no taboleiro de edictos da casa do Concello, sinalándose un prazo de tres (3) días hábiles contados a partir do seguinte ao da publicación da resolución para que os aspirantes excluídos poidan emendar, de ser o caso, o defecto que motivou a exclusión.

Na publicación indícase o nome e apelido, e DNI dos aspirantes. Para tal efecto, a estimación ou desestimación das ditas peticións de correccións entenderanse implícitas na resolución pola que se publique a listaxe definitiva de admitidos e excluídos.

Unha vez transcorrido o devandito prazo, a Alcaldesa ditará resolución definitiva, contra a cal se poderá interpoñer recurso potestativo de reposición ante o mesmo órgano, no prazo dun mes contado desde o día seguinte ao da súa publicación, de conformidade co establecido na Lei 39/2015, de 1 de outubro, de Procedemento Administrativo Común das Administracións Públicas, ou poderase interpoñer directamente o recurso contencioso administrativo ante o Xulgado do Contencioso Administrativo de Lugo, no prazo de dous meses, contados desde a mesma data, de

---

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZ7S4FEGE4D26SH26TKSWY5 | Corrección: <https://trabada.sedelectronica.gal>  
Documento asinado electronicamente desde a plataforma xestiona esPublico | Páxina 4 a 13



conformidade co disposto no art. 8.1 da Lei 29/1998, do 13 de xullo, reguladora da xurisdición contenciosa administrativa.

O feito de figurar na relación de admitidos non prexulga que se lles recoñeza aos interesados a posesión dos requisitos esixidos no procedemento que se convoca. Cando da documentación que debe presentarse, no caso de superar o procedemento selectivo, se desprenda que non posúen algún dos requisitos, os/as interesados/as decaerán en todos os dereitos que poideran derivar da súa participación no procedemento.

Os datos personais (nome, apelidos, dirección aos efectos de notificacións) dos candidatos que participen no procedemento selectivo, serán utilizados unicamente para o fin do presente procedemento selectivo, e co fin de dar cumprimento ao principio de publicidade esixido na vixente lexislación.

## **7. TRIBUNAL CUALIFICADOR OU COMISIÓN DE VALORACIÓN**

O tribunal estará constituído por un número impar de membros, funcionarios/as de carreira ou persoal laboral fixo, non inferior a cinco, debendo designarse o mesmo número de suplentes, un dos cales actuará coma presidente/a e outro coma secretario/a do tribunal.

A Alcaldesa nomeará por decreto os membros do tribunal e os seus suplentes e fixará a data da súa constitución, axustándose ao previsto no artigo 60 do Estatuto Básico do Empregado Público, que será publicado no taboleiro de anuncios

Consonte ao establecido no devandito artigo o tribunal terá a seguinte composición:

Presidente/a: Un funcionario/a de carreira ou persoal laboral pertencente a grupo de clasificación profesional de titulación igual ou superior ao esixido para o acceso á praza convocada.

Secretario/a: o da Corporación ou persoa que faga as súas veces.

Vogais: Tres funcionarios/as de carreira ou persoal laboral pertencentes a grupo de clasificación profesional de titulación igual ou superior ao esixido para o acceso á praza convocada.

Na designación dos membros do tribunal se procurará a súa composición paritaria entre homes e mulleres, con só unha diferenza de un entrambolos dous sexos, ó ser a súa composición impar.

Os membros dos tribunais deberán absterse de intervir cando concorran neles, circunstancias das previstas no 23 da Lei 40/2015, de 1 de outubro, de Réxime Xurídico do Sector Público.

Así mesmo, os/as aspirantes poderán recusar aos membros do tribunal cando concorran neles algunha das circunstancias previstas na presente base, conforme o artigo 24 da Lei 40/2015, de 1 de outubro, de Réxime Xurídico do Sector Público.

O tribunal non poderá constituírse nin actuar sen a presenza, cando menos, de máis da metade dos seus membros, titulares ou suplentes, indistintamente. En todo caso requírese a asistencia do/a presidente/a e do/a secretario/a ou dos que legalmente os

---

### **Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZ7S4FEGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 5 a 13



substitúan.

O procedemento de actuación do tribunal axustarase ao disposto na Lei 40/2015, de 1 de outubro, de Réxime Xurídico do Sector Público, levantando de cada sesión acta, que se autorizará, coa signatura do secretario/a e co visto e prace do Presidente/a.

Os tribunais poderán dispoñer a incorporación de asesores especialistas para as probas en que así o estimen necesario ou conveniente. Os ditos asesores, actuarán con voz e sen voto, limitándose ao exercicio das especialidades técnicas en base ás cales colaboran no respectivo tribunal.

Os membros do tribunal así como os asesores ou colaboradores que se incorporen a este, terán dereito, pola súa concorrencia ás sesións, ao pagamento de asistencias na contía establecida de conformidade co previsto no Real Decreto 462/2002, de 24 de maio, sobre indemnizacións por razón de servizo, tendo en conta as actualizacións desta, vixentes na data da realización das probas.

O tribunal resolverá por maioría de votos dos seus membros presentes, tódalas dúbidas e propostas que se produzan para a aplicación das normas contidas nestas bases, e estará facultado para resolver as cuestións que poidan suscitarse durante a realización das probas, así como adoptar as medidas necesarias.

## **8. PROCEDEMENTO DE SELECCIÓN. EXERCICIO DE CARÁCTER OBRIGATORIO E ELIMINATORIO**

Realización dun único exercicio que consistirá en contestar por escrito a un cuestionario tipo test, de 20 preguntas con respostas alternativas baseadas no contido do programa da convocatoria relacionado no ANEXO I ( e 3 preguntas de reserva ), durante un período de 30 minutos e determinado polo Tribunal, que se reunirá na data que se acorde no momento da súa constitución, aos efectos da elaboración do mesmo.

Esta proba terá carácter eliminatorio, e puntuarase de 0 a 10 puntos ( 0, 50 x pregunta) sendo necesario acadar unha puntuación de 5 para superala.

## **9. DESENVOLVEMENTO DA PROBA**

O exercicio único realizarase no prazo máximo de 20 días hábiles desde a constitución do tribunal que xulgue as probas, anunciándose con tres días naturais de antelación, como mínimo, na sede electrónica do Concello ( <https://trabada.sedelectronica.gal> ) e no taboleiro de anuncios o día, hora e lugar onde se celebrará a proba.

Os anuncios sucesivos publicaranse no taboleiro de anuncios do Concello e na sede electrónica do Concello ( <https://trabada.sedelectronica.gal> ).

Os aspirantes deberán presentarse para a realización do exercicio provistos de DNI ou documento oficial e fidedigno (pasaporte, carnet de conducir...), acreditativo da súa identidade, a xuízo do tribunal. En calquera momento os aspirantes poderán ser requiridos polo tribunal correspondente coa finalidade de acreditar a súa personalidade.

---

### **Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257





Os/as aspirantes serán convocados en único chamamento, sendo excluídos da oposición os que non comparecesen, agás nos casos debidamente xustificadas e libremente valorados polo tribunal. As xustificacións ou probas formularanse dentro das vinte e catro (24) horas seguintes á celebración do exercicio ao que non compareceran.

Os opositores poderán desenvolver o exercicio de que conste o procedemento selectivo tanto en lingua galega como en lingua castelá, a súa libre elección.

Para establecer a orde en que haberán de actuar os aspirantes naqueles exercicios nos que non poidan facelo conxuntamente, se estará o resultado do sorteo publicado pola Resolución correspondente, que se realizou ao abeiro do establecido no Art. 9 do Decreto 95/1991, de 20 de marzo, polo que se aproba o regulamento de selección de personal de administración da Comunidade Autónoma de Galicia.

## **10. RELACIÓN DE APROBADOS.**

O Tribunal publicará no taboleiro de anuncios sito na Casa Consistorial e na sede electrónica do Concello ( <https://trabada.sedelectronica.gal> ) a puntuación total do proceso selectivo. En caso de empate de puntuacións se resolverá, en primeiro lugar tendo en conta o resultado das tres preguntas de reserva e, se persistise o empate, por sorteo público.

Finalizado o proceso de selección elevarase ao órgano competente proposta dos candidatos para a formalización dos correspondentes contratos laborais.

O tribunal non poderán aprobar nin declarar que superaron as probas selectivas un número superior de aspirantes ao de postos que se convocan. Non obstante o anterior, e co fin de asegurar a cobertura dos mesmos cando se produzan renuncias dos aspirantes seleccionados ou calquera outra circunstancia antes da formalización do contrato, o órgano convocante poderá requirir ao órgano de selección relación complementaria dos/as aspirantes que sigan aos propostos, para a súa posible contratación.

A devandita relación complementaria poderá tamén servir para constituír unha lista de reserva para cubrir as baixas que se produzan durante o periodo de duración do plan de Fomento de emprego.

## **11. PRESENTACIÓN DE DOCUMENTOS.**

Os/as candidatos propostos para seren contratados deberán achegar no prazo de dous (2) días hábiles, a seguinte documentación, agás que xa a presentara anteriormente xunto coa instancias de participación:

1) Certificación médica actualizada na que se faga constar expresamente que a ou o aspirantes reúne a capacidade funcional para o desempeño das tarefas propias do posto de traballo. Esta certificación non poderá ter una antigüidade superior aos tres (3) meses anteriores ao día de remate do prazo de presentación de instancias, acreditativo de posuir a capacidade funcional para o desenvolvemento das tarefas habituais da praza á que se aspira, e no que se fará constar que non se padece enfermidade ou limitación física ou psíquica incompatible coas funcións do posto.

---

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QZ7TS4FGGE4D26SH26TKSWY5 | Corrección: <https://trabada.sedelectronica.gal>  
Documento asinado electronicamente desde a plataforma xestiona esPublico | Páxina 7 a 13



2) Copia compulsada da tarxeta da Seguridade Social.

A non presentación dentro do prazo fixado da documentación esixida nesta base e agás nos casos de forza maior ou cando do exame da mesma dedúzase que carecen dalgún dos requisitos sinalados na base 3ª, non poderán ser contratados sen prexuízo da responsabilidade en que icorreran por falsidade na solicitude de participación. Neste caso se procederá a notificar ao candidato que obtivese a seguinte maior puntuación para que aporte a referida documentación, procedéndose do mesmo xeito que no suposto anterior.

## **12.- FORMALIZACIÓN DOS CONTRATOS DE TRABAJO.**

Rematado o proceso selectivo e presentada a documentación polos interesados, a Sra. Alcaldesa resolverá o proceso e se formalizarán os contratos de traballo de duración determinada por un periodo de **6 meses, sendo en todo caso o data de remate o 30 de setembro de 2021 e a xornada completa.**

## **13. IMPUGNACIÓN.**

Estas bases, a súa convocatoria e cantos actos administrativos deriven da mesma poderán, así como as actuacións do Tribunal poderán ser impugnadas polos interesados e interesadas nos casos e na forma establecidas na Lei 39/2015, de 1 de outubro, do Procedemento Administrativo Común das Administracións Públicas o e na Lei 29/98 de 13 de xullo reguladora da Xurisdición Contencioso-Administrativa.

## **ANEXO I.-TEMARIO**

### **PARTE XERAL**

**TEMA 1.- A Constitución. Idea Xeral . A Corona. As Cortes Xerais.**

**TEMA 2.- O Goberno e a Administración. O Poder Xudicial.**

**TEMA 3.- As Comunidades Autónomas. A Administración Local. Organismos Autónomos e outros Entes Públicos.**

**TEMA 4.- A Comunidade Autónoma de Galicia. O Estatuto de Autonomía. O Parlamento de Galicia.**

**TEMA 5.- Dereito Administrativo estatal e autonómico: idea xeral. Conceptos**

---

### **Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZTS4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 8 a 13





**básicos do Dereito Administrativo: o acto administrativo e o procedemento administrativo. Recursos.**

**TEMA 6.- O persoal ao servizo das administracións Públicas. Especial mención ao personal laboral.**

**TEMA 7.- Idea xeral do réxime xurídico do persoal laboral. Dereito e deberes. Réxime disciplinario.**

**TEMA 8.- Concello de Trabada. Encuadre territorial e poboacional.**

#### **PARTE ESPECÍFICA:**

**TEMA 9.- Os Espacios Naturais Protexidos. Definición, Clasificación, Declaración e Xestión.**

**TEMA 10.- A Rede Natura 2000. Definición e contido. Clasificación de zonas.**

**TEMA 11.- Ecoloxía. Poblacións, comunidades e ecosistemas. Dinámica das poblacións. Interaccións no ecosistema. Relacións intra e interespecíficas.**

**TEMA 12.- O ecosistema en acción. Estructura, funcionamento e autorregulación do ecosistema.**

**TEMA 13.- Os impactos ambientais das actividades humanas. Os grandes impactos globais.**

**TEMA 14.- Os problemas ambientais e as súas repercusións políticas, económicas e sociais. Saúde ambiental e calidade de vida. A educación ambiental.**

**TEMA 15.- A avaliación ambiental estratéxica e a avaliación de impacto ambiental. Descrición. Ámbitos de aplicación. Obrigas xerais.**

**TEMA 16.- Procedemento, fases e contido do Estudio na obtención da Avaliación Ambiental Estratéxica ordinaria e da Avaliación de Impacto Ambiental.**

**TEMA 17.- Os Plans de Ordenación dos Recursos Naturais. Definición. Obxectivos. Alcance. Contidos mínimos.**

**TEMA 18.- Os espazos naturais de Trabada, Características e figuras de protección.**

**TEMA 19.- A Paisaxe. Compoñentes e interpretación. Paisaxes galegas. Características. A paisaxe como recurso estético. Impactos na paisaxe.**

**TEMA 20.- Xestión de residuos sólidos. A compostaxe caseira. Procedemento, uso e vantaxes. Uso do compost como componente de substratos para o cultivo.**

---

#### **Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QZ7S4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 9 a 13



**ANEXO II a).-MODELO DE INSTANCIA PARA PARTICIPAR NO  
PROCEDIMENTO DE SELECCIÓN PARA A PROVISIÓN TEMPORAL DUN  
(1) POSTO DE TRABALLO DE AUXILIAR ADMINISTRATIVO DO  
CONCELLO DE TRABADA , EN RÉXIME DE DEREITO LABORAL  
TEMPORAL, MEDIANTE O SISTEMA DE CONCURSO-OPOSICIÓN.**

D/<sup>a</sup> .....provisto/  
a de D.N.I. n<sup>o</sup>..... con enderezo na  
R/.....n<sup>o</sup>.....piso.....  
.....

C.Postal.....Localidade.....

---

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257





.....

Municipio.....Provincia.....Teléfono.....

Enterado/a da convocatoria pública realizada polo Concello de Trabada para a contratación laboral temporal (contrato de obra ou servizo determinado), a xornada completa, de 1 auxiliar administrativo.

DECLARO:

PRIMEIRO.- Que coñezo na súa integridade as bases que rexen a convocatoria e que reuno tódalas condicións esixidas polas mesmas para participar neste proceso selectivo.

SEGUNDO.- Que non estou afectado/a por ningún dos motivos de incompatibilidade recollidos na lexislación vixente sobre incompatibilidades do persoal ó servizo das administracións públicas, que non padezo enfermidade ou defecto físico/psíquico, que me impida o desempeño das funcións ou tarefas correspondentes a praza á que opto e que non estou separado/a, mediante expediente disciplinario do servizo ó Estado, ás Comunidades Autónomas ou ás Entidades Locais, nin estar inhabilitado para o exercicio das funcións públicas;

-no caso de ser nacional doutro Estado-, de que non estou inhabilitado ou en situación equivalente, nin estou sometido a sanción disciplinaria ou equivalente que me impida, no meu Estado, nos mesmos termos, o aceso ó emprego público.

TERCEIRO.- Que autorizo ó Concello do Trabada para a publicación dos meus datos persoais (nome, apelidos e D.N.I.) e das posibles causas de exclusión, no taboleiro de anuncios do concello e calquera outro medio que se estime, ao ser a publicidade un dos principios legais que debe observarse nos procedementos de selección.

CUARTO.- Solicito ser admitido/a a participar no referido procedemento comprometéndome a someterme ás bases que o regulan, presentando a documentación seguinte:

(TACHAR O QUE PROCEDA)

- Documento nacional de identidade, pasaporte ou tarxeta de residente.
- Certificación, de ser o caso, acreditativa do grao de discapacidade.
- Declaración responsable, asinado pola ou pola aspirante, de non estar afectada/o por ningún dos motivos de incompatibilidade recollidos na lexislación vixente sobre incompatibilidades do persoal ao servizo das administracións públicas e de non ter sido separado /a do servizo de calquera das administracións públicas ou dos órganos constitucionais ou estatutarios das comunidades autónomas por expediente disciplinario ou resolución xudicial firme nin encontrarse en inhabilitación absoluto ou especial para empregos ou cargos públicos por resolución xudicial, ou para exercer función similares ás que se desempeñaba no caso do persoal laboral, segundo o modelo que se insire nestas bases como Anexo II.

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QZ7TS4FGGE4D26SH26TKSWY5 | Corrección: https://trabada.sedelectronica.gal/  
Documento asinado electronicamente desde a plataforma xestiona esPublico | Páxina 11 a 13



No caso de ser nacional doutro Estado, declaración responsable, asinada polo ou polo aspirante, de non estar afectado/a por ningún dos motivos de incompatibilidades recollidos na lexislación vixente sobre incompatibilidades do persoal ao servizo das administracións públicas e de non estar inhabilitado ou en situación equivalente que impida, no seu Estado, nos mesmos termos, o acceso ao emprego público.

- Fotocopia cotexada do Celga IV, título de iniciación ou titulación equivalente , ou certificado orixinal expedido polos Centros educativos correspondentes.
- Copia compulsada do título de Graduado Escolar, Bachiller Elemental, Enseñanza Secundaria Obligatoria – LOGSE, Formación Profesional de primer grado o equivalente, ou certificado que corresponda.

En Trabada, a 27 de agosto de 2020.

A Alcaldesa-Presidenta.

**SRA. ALCALDESA-PRESIDENTA DO CONCELLO DE TRABADA**

### **ANEXO III: PROTECCIÓN DE DATOS**

Os datos facilitados serán tratados nos ficheiros de datos dos expedientes e procedementos titularidade do CONCELLO DE Trabada para o exercicio das función e competencias atribuídas ó CONCELLO DE Trabada na lexislación vixente.

Os INTERESADOS poderán exercer os dereitos establecidos na Lei Orgánica 3/2018 de 5 de decembro, de protección de datos persoais e garantía dos dereitos dixitais, coas limitacións establecidas legalmente, ó tratarse de datos que obran nos expedientes e procedementos que xestiona a Administración Pública Municipal, no

---

**Concello de Trabada**

Rúa do Concello, 15, Trabada. 27765 Lugo. Tfno. 982135011. Fax: 982135257



Cod. Validación: 6QSZTS4FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 12 a 13



Rexistro Xeral do Concello, na dirección Rúa do Concello 15, 27765, Trabada ( Lugo).



Cod. Validación: 6QZT54FGGE4D26SH26TKSWY5 | Corrección: <https://trabada.sedelectronica.gal/>  
Documento asinado electronicamente desde a plataforma xestiona esPublico | Páxina 13 a 13

---

## Concello de Trabada

Rúa do Concello, 15, Trabada. 27765 Lugo. Tfno. 982135011. Fax: 982135257